

Turvallizemman tilan principat

Jogahizel on oigevus omah mieleh, ga samal pidäy vastavoija, midä da kui sanou.

Inhemizet voijah vastavuo eriarvoista pielmystä, kudain pohjavuu yksilöllizih ominažuksih, muga ku hibienmuju, kieli, rahvahalližus, seksualini čuravunda, sugupuolen ozutanda, igä, ruandamaltto libo niistäžys, tervehyöntila (seže mielentervehys), viero libo kačonda, socioekonomini tagus, eländäkohta, nägö.

Suojärven Pidäjäsebras jogahini, kudain vuittivuu sebran ruandah huolehtiu omas kohas, ku niken ei vastavu eriarvoista pielmystä iellizes kappalehes olijoin ominažuksien pohjal.

Paiččegi tahomma aksentiiruija, ku karjalan kieleh liittyjis dielolois kunnivoičemma muijen mielle da pidävymmä kunnivoijah luaduh toizie kohtah i niilöis dielolois.

Männä vuozinna karjalan kieleh näh on äijäl paistu murdehien/kielimuodoloin/kielien nimilöis. Tämä dielo koskou paiččegi varzinkarjalan suvimurrehta, kuduas käytetäh suomenkielizie nimie “eteläkarjala” da “varsinaiskarjala”. Ližäksi on mielle sit, paissahgo karjalan kielen murdehis, kielimuuvois, libo mäntie eri (kniiga)kielis. Sendäh Suojärven Pidäjäsebras toiččinaksi voiji tulijanluaduni ruandataba.

1. Jogahini suau käyttöä murdehis/kielis niidä nimie, kuduat duumaiččou parahiksi da muut pädiennetäh tämän.
2. Jogahini suau käyttöä kielimuodolois nimie kieli, kielimuodo libo murreh da muut pädiennetäh tämän.

Nenga nikenen ei pie tundie iččie turvattomaksi paisses karjalan kieleh liittyjis dielolois.

Täs vie ruandaohjavot ylehes kaikilla

Tunne iččes luadimat toivot

Kunnivoiče jogahizen ičepiätändäoigevutta. Pyrri sih, ku et toivo ezimerkiksi toizen sugupuolda, taguoda libo mielie. Pie huomivuo iččes sanoloih da ellennä, ku inehmizet ollah moninažie.

Kuundele da opastu

Duumaiče jogahista inehmistä, dieluo da tilua maholližuonna opastua uutta da kehittyö. Ole avoin siula annetus työnnös da pyrri kohendamah omuas ruandua sen pohjal.

Anna da rua tilua

Tunne miittyzes roulas da azemas olet eri tilois. Ole aktiivizešti kerahini da tagua omal ruannal seže muijen vuittivunda.

Rua

Nähnet libo kuullet riäzitändiä libo muuda poikkitoimista pielmystä, tartu sih ičelles pädižäl taval. Tarttumal ozutat ezimerkkie seže toizilla.

Muissa gumannožus

Ei pie varata hairehie da kyzyö suau aivin. Kaikkie ei tarviče tiediä da malttua iel!